

Isumaginninnermut peqqinnissamullu tunngasunik sulialinnut
ilinniagartuutut
ilinniartitaaneq pillugu nassuiaat



Peqqissaanermik Ilinniarfik

2026

Imarisai

1. <i>Aallaqqaasiut</i>	3
2. <i>Maleruagassat, inatsisit nalunaarutillu</i>	3
3.	4
<i>Ilinniartitaanerup siunertaa</i>	4
4. <i>Ilinniartitaanerup sivilissusaa</i>	4
5. <i>Ilinniartitaanerup taaguutaa</i>	4
6. <i>Ilinnialernissamut piumasaqaatit</i>	4
7. <i>Angusimasanit nuussineq</i>	5
8. <i>Ilinniartitaanermi pissarsiassanut, aqqissuussaaneranut imarisaanullu tunngatillugu anguniagaq</i>	5
8.1 <i>Ilinniartitaanermi pissarsiassatut anguniakkat</i>	5
8.2 <i>Ilinniartitaanerup aqqissuussaanera</i>	6
9. <i>Soraarummeerummi ilikkagassatut siunniussat</i>	7
10. <i>Ilinniartitaanermi suut qanorlu ilinniarneqarnissaasa tunngavia, ilinniartitsinerup aqqissuussaanera- ilinniartitsineq - suleriatsillu</i>	8
11. <i>Misilitsinnerit, soraarummeernerit naliliinerlu</i>	8
12. <i>Misilitseqqinneq</i>	9
13. <i>Maalaaruteqarsinnaaneq</i>	9

1. *Aallaqqaasiut*

Isumaginninnermut peqqinnissamullu tunngatillugu sullissinerup iluani ilinniagartuutut ilinniartitaaneq tassaa voq nunatsinni Peqqinnissaqarfimmi Isumaginnittoqarfimmilu ilinniagalinnut, ilinniakkat pisortaqaqfiillu akimorlugit pisuni inuttut atukkatigut peqqissutsikkullu ajornartorsiutilinnik sullissisunut ilinniartitaaneq ingerlariaqqiffiusoq sivikitsoq.

Isumaginninnermut peqqinnissamullu tunngatillugu sullissinerup iluani ilinniagartuutut ilinniartitaaneq inuussutissarsiummik, ilinniakkamik, pitsaassutsimik ineriartornissamillu tunngaveqarpoq. Nunatsinni Isumaginnittoqarfimmi Peqqinnissaqarfimmilu maanna siunissamilu suliaassat inerisarneqarnissaat suliarineqarnissaallu siunertaralugu, ilinniartitaaneq Isumaginnittoqarfimmi Peqqinnissaqarfimmilu ilinniakkat pisortaqaqfiillu akimorlugit sulianik suleqatigiinnermillu immikkut ukkassinermut- sulisullu piginnaasaannik inerisaanermut sammitinneqartoq.

2. *Maleruagassat, inatsisit nalunaarutillu*

Qaffasissumik ilinniartitaanerit pillugit Inatsisartut inatsisaat nr. 14, 12. juni 2019-imeersoq

Inuussutissarsiutinik ilinniarfinni soraarummeertarnerit pillugit Namminersorlutik Oqartussat nalunaarutaat nr. 4, 18. marts 2015-imeersoq.

Karakteriliisarnermi tulleriinnilersuineq allatullu naliliisarneq pillugit Namminersornerullutik Oqartussat nalunaarutaat nr. 14, 23. juni 2008-meersoq

3.

Ilinniartitaanerup siunertaa

Isumaginninnermut peqqinnissamullu tunngasunik sulialinnut ilinniagartuutut ilinniartitaanerup siunertaa

Ilinniartup nammineerluni ilinniakkat pisortaqarfiillu akimorlugit, ilinniagaqassutsikkut taakkulu akimorlugit naapertuuttunik suleqateqarlunilu, isumaginninnermut peqqinnissamullu tunngatillugu sulianut naapertuuttunik, ilinniagaqassutsikkut immikkut ittunik isumaginninnissamut piginnaaneqalersinnissaa siunertaavoq.

Isumaginnittoqarfimmi peqqinnissaqarfimmilu pitsaassutsimik inerisaanermillu suliaqarnermut ilinniartup piginnaaneqalersinnissaa siunertaavoq.

Ilinniagaq ilinniakkallu allat akimorlugit sulinermi peqataasinnaanissamut - ilinniagalittut periuseqarluni suleqataasinnaanissamut kiisalu aaqquissuussamik sulinerminik inerisaasinnaanissamut, ilinniartup piginnaaneqalersinnissaa siunertaavoq.

4. Ilinniartitaanerup sivissussusaa

Ilinniartitaaneq, ilinniartup ataatsip ukioq naallugu ilinniarnertut annertussusiligaavoq. Taannalu tassaavoq piffissaq tamakkerlugu ilinniartup ukioq ataaseq sulinera ECTS-pointinik 60-inik (European Credit Transfer System) naleqartoq. Ilinniartitaaneq ukiup sisamaata affaata iluani piffissap ilaani ilinniarnertut aaqquissuunneqassaaq. Ilinniartitaaneq kingusinnerpaamik ilinniartup ilinniarnerninik aallartitsineraniit- immikkut akuerineqarsinnaalluni- ukiut sisamaata affaa qaangiuppat naammassineqarsimassaaq.

Ilinniartitaaneq modulikkaarlugu aaqquissuunneqassaaq aaqquissuunneqarneranilu ilinniartut ilinniarnernik suliffeqarnermillu akuleriissitsisinnaanissamut periarfissinnissaat eqqarsaatigineqassaaq. Ilinniartitsineq sulinermut attuumassuteqassaaq ilinniartullu sulinerminni misilittagaat ilisimasaallu tunngaviussapput ilinniartitsinermilu ilanngunneqassallutik.

Isumaginninnermut peqqinnissamullu tunngasunik sulialinnut ilinniagartuutut ilinniartitaaneq ilinniagaavoq immikkut naammassissaaq, ukiuni marlunni sulinermi misilittakkat naapertuuttut ilanngullugit, qaffasissumik ilinniartitaanerup akunnattumik sivissussulissimmut inuussutissarsiumut sammititamut, naapertuuttoq.

ECTS-pointit tassaapput ilinniartitaanerup imal. modulip naammassissap tamakkiisumik suliassartaatut nalilerneqartup kisitsisinngortinneqarnera. Ukioq ataaseq ilinniarnerni, ilinniartitaanerni sammisani tamani ilinniartitaanerup imal. modulinit ataasiakkaanut, ilaatigut skema naapertorlugu ilinniartitsinernut, nammineerluni ilinniarnernut, suliniuteqarnermut, allattariarsukkanut, sungiusarnermut piviusuutitanut, misilitsinnernut allatigullu naliliivigineqarnermut attuumassuteqartuni piumasaqaatini ilanngunneqarpoq.

5. Ilinniartitaanerup taaguutaa

Ilinniartitaaneq Isumaginninnermi -peqqissaanermilu qaffasinnerusumik ilinniarsimanernik tuluttut: Academy Profession Degree in Social- and Health Practice atuisinnaanernik ilinniartumut pisinnaatitaaffiliivoq.

6. Ilinnialernissamut piumasaqaatit

Isumaginninnermut peqqinnissamullu tunngasunik sulialinnut ilinniagartuutut ilinniartitaanissamut qinnuteqartup minnerpaamik makku arlaannik ilinniagaqarsimanissaa sulinermilu misilittagaqarnissaa piumasaqaataapput:

- Inuussutissarsiummut sammititamik naapertuuttumik ilinniagaqarneq.
- Ilinniarnertunngorsimaneq allamiillunniit qaffasissumik akunnattumik sivilissusilimmik ilinniagaqarsimaneq
- Qinnuteqartut, ilinniarnertup ilinnialersinnaanermut periarfissiisup kingorna, sivilinnerpaamik ukiuni marlunni naapertuuttumik sulinermik misilittagaqassapput.
- Ilinniarnertup ilinniakkamut isersinnaalersitsisup peqatigisaanik sulinermi misilittagarilikkat naapertuuttut, ilinniagartuutut ilinniartitaanermut akuerisaanermi ilinnialersinnaanermut naatsorsuinermi ilanngunneqassapput.
- Ilinniarfik qinnuteqartunik isersinnaanermut piumasaqaatinut naapertuuttut akuerisaasunik piginnaasalittut naliliivigineqartunik, inersimasunut inuussutissarsiummut sammititamik tunngaviummik ilinniartitaaneq qaffasissumillu ingerlariaqqiffiusumik ilinniartitaaneq pillugit inatsit naapertorlugu, piginnaasatigut immikkut naliliivigineqartunik tiguisarpoq.
- Ilinniartutut tiguneqarnissaq inunnik sumaginnittorqarfimmi – peqqinnissaqarfimmilu atorfeqarnissamik piumasaqaatitaqarpoq.

Qinnuteqartut naapertuuttumik ingerlariaqqinnissamut periarfissiisumik ilinniagallit naapertuuttunillu misilittagallit sallinneqassapput.

7. Angusimasanit nuussineq

Ilinniartuq ilinniartitaanerup immikkoortunik, Danmarkimi imal. nunani allani qaffasissumik ilinniartitaanermit allameersumit angusinikkut, taamaaqataanik angusaqarsimappat, ilinniartitaanermi modulini angusimasanit nuussisoqarsinnaavoq. Ilinniartitaanerup immikkoortui pineqartut assigiissutaannik iliniagaqassutsikkut immikkut naliliineq tunngavigalugu aalajangiisoqartarpoq.

Ilinniartuq piginnaasatigut immikkut naliliivigineqareernikkut, modulunut pineqartunut naapertuuttut akuerineqartunik piginnaaneqartutut naliliivigineqarpat, modulini angusanit aamma nuussisoqartarpoq.

8. Iliniartitaanermi pissarsiassanut, aaqqissuussaananeranut imarisaanullu tunngatillugu anguniagaq

Ilinniartitaaneq modulini marlunnik, pinngitsoorani peqataaffigisassanik, immikkut tamarmik 10 ECTS-pointinik nalilinnik faginillu/modulinillu nammeneq toqqagassanik, katillutik 30 ECTS-pointinik nalilinnit nalilersugaavoq. Ilinniartitaaneq soraarummeermik 10 ECTS-pointinik nalilimmik naggaserneqassaaq.

8.1 Ilinniartitaanermi pissarsiassatut anguniakkat

Ilisimasaqarneq paasisaqarnerlu

- Ilinniartuq inunnik isumaginnittoqarfimmi Peqqinnissaqarfimmilu sulinermik, inersaanermik tunngavilinnik *ilisimasaqalerhunilu paasisaqassaaq.*
- Ilinniartuq inuussutissarsiutip ilinniakkamilu sulinermik, inersaanermik tunngavilimmik, *ilisimasaqalerhunilu paasisaqassaaq*, isumaliutersuut periuserlu pingaarnertut atorneqartut inuussutissarsiummilu *isumaliutersuummik periutsimillu atuineq paasisinnaassallugit.*

Sulinermi piginnaasat

- Inunnik isumaginnitoqarfimmi Peqqinnissaqarfimmilu sulinermi ajornartorsiutinut tunngatillugu pitsaassuseq inerisaanerlu siunnerfigalugit sulinermit atatillugu, tamatuma inuiaqatigiinni inissisimaneranik aallaaveqarneranillu paasinnilluni, periutsit isumaliutersuutillu pingarutillit, ilinniartumit *atorneqarsinnaassapput*.
-
- Ajornartorsiutit sulianut tunngassuteqartut iliuuserisinnaasanik aaqqissuussamik paasiniaaqqissaarnermillu tunngaveqarluni isumaliutersornermi periarfissat pingaarutillit ilanngullugit uppersaanissaq pingaarnersiuiinissarluni qitiutillugit, taakkulu tunngavigalugit *aaqqiissutissanik saqqummiussinissaq toqqaanissarluni*, ilinniartup *nassuiarsinnaassavai, naliliivigisinnaassavai suliarisinnaassallugillu*.
-
- Ilinniartuq sulinermi ajornartorsiutinik aaqqiissutaasinnaasunillu suleqatigisanut atuisunullu *ingerlatitseqqiisinnaassaaq*.

Ilinniakkatigut piginnaasat

- Inunnik isumaginnitoqarfimmi Peqqinnissaqarfimmilu sulinermi inerisaaviusussat, ilinniartumit *iliuuseqarfigineqarsinnaassapput*.
-
- Ilinniartuq *ilinniagalittut periuseqarluni, pisortaqaarfiit akimorlugit, ilinniagaq tunngavigalugu ilinniakkallu akimorlugit sulinermi suleqatigiinnermilu peqataasinnaassaaq*.
-
- Inunnik isumaginnitoqarfimmi – Peqqinnissaqarfimmilu sulinermit tunngatillugu nammeneq sulineq ilinniartumit *inerisarneqarsinnaassaaq*, innuttaasup, napparsimasup qanoq inissisimanera, periarfissai pisariaqartitaalu aallaavigalugit *iliuuseqarfigineqarsinnaassaaq*.
-
- Ilinniartuq *inuussutissarsiummut atatillugu aaqqissuussami nutaanik ilisimasaqalersinnaassaaq, suliassatigut allatigullu piginnaaneqalersinnaassaaq*.

8.2 Ilinniartitaanerup aaqqissuussaanera

Isumaginninnermut peqqinnissamullu tunngasunik sulialinnut ilinniagartuutut ilinniartitaaneq fagikkuutaarlugit modulunut immikkoortitigaavoq katillugillu 60 ECTS-pointinik ima agguataakkanik naleqarluni;

- Modulit pinngitsoorani peqataaffissat marluk 20 ECTS- pointinik nalillit
- Modulit nammeneq toqqagassat 30 ECTS-pointinik nalillit
- Soraarummeerut 10 ECTS-pointinik nalilik

Ilinniartitaanermit modulit pinngitsoorani peqataaffigisassat marluk ilinniartunut tamanut atuuttut katillugit 20 ECTS-pointinik naleqarput. Ilikkagassat, imarisai annertussusaalu, ilinniakkap imarisaanik nassuiaammi itisiliivigineqarput, ilanngussaq takuuk.

Ilinniartitaanermit modulit nammeneq toqqagassat ilinniartunut ataasiakkaanut katillugit 30 ECTS-pointinik naleqarput. Ilikkagassat, imarisai annertussusaalu, ilinniakkap imarisaanik nassuiaammi itisiliivigineqarput, ilanngussaq takuuk.

Modulit pinngitsoorani peqataaffigisassat modulillu nammineq toqqagassat soraarummeerummi misilitsinnissaq sioqqullugu naammassineqarlutillu angusaqarfiussapput. Modulit immikkut tamarmik ilinniarneqarsinnaapput. Soraarummeerut 10 ECTS-pointinik nalilik, ilinniarnermi pissarsiassatut anguniakkat anguneqarsimanerannut, isumaginninnermut peqqinnissamullu tunngasunik sulialinnut ilinniagartuutut ilinniartitaanerup naammassineqarsimaneranut uppersaataassaaq.

Ilinniartuq iliniartitaanermi ilinniakkap avataaniittumik, modulunik 10 ECTS-pointilli sinnernagit nalilimmik toqqaasinnaavoq. Peqqissaanermik Ilinniarfik modulunik ilinniartitaanermi ilinniakkap avataaniittunik toqqaaniarnermi siunnersuisartuullunilu akuersisartuuvuq.

Soraarummeerummi sammisaq, ilinniagartuutut ilinniartitaanermi fagit ilinniagassat iluanniissaaq, fagillu toqqarsimasinnaasat ilinniartitaanermi sammisat avataaniittut ilanngullugit oqaasertalerneqassalluni. Sammisaaq Peqqissaanermik Ilinniarfimmit akuerineqassaaq.

9. Soraarummeerummi ilikkagassatut siunniussat

Annertussusaa; 10 ECTS-point

Ilinniartup suliffimmi sulineri misilittagaanik akulerutitsineq ineriartornissamillu siunnerfeqarneq aqqutigalugit anguniagaavoq;

Ilisimasaqarneq paasinninnerlu

- Isumaginnittoqarfimmi Peqqinnissaqarfimmilu sulineq ilinniartup ilisimalerlugulu paasissavaa.
- Inuussutissarsiutip ilinniakkallu suliassartaa/periusaa, isumaliutersuutit periutsillu pingaarnertut atorneqartut, ilinniartup inerisaanermik tunngaveqartumik ilisimasaqarfigilerlugillu paasissavai.

Suliassatigut piginnaasat

- Suliffiup inuiaqatigiinni qanoq inissisimaneranik aallaaveqarneranillu paasinnilluni, inunnik isumaginnittoqarfimmi Peqqinnissaqarfimmilu sulineri ajornartorsiutinut tunngatillugu, pitsaassuseq inerisaanerlu siunnerfigalugit, sulineriut atatillugu periutsit isumaliutersuutillu pingaarnert, ilinniartup atorsinnaassavai.
- Sulianut tunngatillugu ajornartorsiutit, aqqissuussamik tunngaveqarluni isumaliutersornermi periarfissat pingaarutillit ilanngullugit iliuuserisinnaasanik saqqummiussineq toqqaanerlu qitiutillugit, taakkulu tunngavigalugit, ilinniartup nassuiaasinnaannissaa, naliliisinnannissaa sularinnissinnannissaalu.
- Ilinniartuq sulianut tunngatillugui ajornartorsiutinik aqqiissutaasinnaasunillu suleqatinut atuisunullu ingerlatitseqqiissinnaassaaq.

Atuagarsornikkut piginnaasat

- Inunnik isumaginnittoqarfimmi Peqqinnissaqarfimmilu sulianik ingerlatsineri inerisaaviusut, ilinniartup iliuuseqarfigisinnassavai.
- Pisortaqarfiit akimorlugit ilinniagalittut, ilinniagaq tunngavigalugu ilinniakkallu allat akimorlugit suleqatigiinneq, ilinniartup peqataaffigisinnassavaa.
- Inunnik isumaginnittoqarfimmi -Peqqinnissaqarfimmilu sulineriut atatillugu, nammineq sulini ilinniartup inerisassavaa napparsimasullu/sullitallu innuttaasullu qanoq inissisimannara, periarfissai pisariaqartitaalu tunngavigalugit iliuuseqarluni.

Siunnersuineq, ilinniartitsineq namminerlu ilinniarneq nikittaallugit soraarummeerusiortoqassaaq. Soraarummeerut naammassineqarsinnaassappat misilitsinnerit tamarmik angusaqarfioersimassapput. Soraarummeerut ilinniartunik

ataasiakkaanik soraarumeersitsinertut ingerlanneqassaaq censorimiillu avataaneersumit tuleriinnilersuineq GGS naapertorlugu naliliivigineqassalluni

10. Ilinniartitaanermi suut qanorlu ilinniarneqarnissaasa tunngavia, ilinniartitsinerup aaqqissuussaanera-ilinniartitsineq - suleriatsillu

Atorsinnaanissaat ataqatigiinnerat sunniivigeqatigiinnerallu, ilinniartup sulinermi misilittagaasa, ilisimasaasa suleriaatsip atuagarsornerullu imarisaasa atassuserneqarnerat, ilinniartitaanermi modulini tamani atuuppoq. Taamaallilluni ilinniartup misilittagaasa, ilisimasaasa, ilinniartitsinerup sulinerup atuagarsornerullu akornanni ataqatigiinnerat/atassutaat pingaartinneqarpoq.

Ilinniagaqassutsikkut inuttullu piginnaasanik inerisaaneq ilinniartitaanermi ilaatinneqassaaq, taamaallilluni ilinniagaqassuseq; perorsaanermi/ilinniartitsinerup suleriaatsit, inuttut piginnaasanik- soorlu namminersorsinnaanermik, piumassutsimik, isornartorsiuisinnaassutsimik, nutaaliorsinnaassutsimik, suleqatiginissinnaassutsimik aallartitserusussutsimillu inerisaasut ikorfartuisullu aqqutigalugit ilikkarneqassaaq. Taamaaliornikkut ilisimasani, sulinerup piginnaasanik allatigullu piginnaasanik inerisaanissamut ilisimatusarnermi ilisimasat, sulinerup ilisimasat sunniivigeqatigiinneranni, ilinniartoq periarfissinneqassaaq.

Ilinniartitsinerup saqqummiussisoqartarsinnaavoq, ilinniagaqassutsikkut oqallittoqartarsinnaavoq, misilittakkanik avitseqatigiittoqartarsinnaavoq, eqimattakkuutaarluni suliaqartoqartarsinnaavoq, namminerlu ilinniaqatigiinni imal. ataasiakkaarluni, piviusuutitamik suliniummillu, inuttut ineriartornissamik, ilinniagaqassutsikkut itisiliinissamik, atuagarsornerup sulinerup ataqatigiissitsinissamik qulakkeereqataasunik tunngaveqarluni, ilinniartoqartarsinnaalluni. Taamaaliornikkut ilinniariaatsit/ilikkariaatsit eqaatsumik atorineqassapput- tamatumunngalu atatillugu suleriaatsit, ilinniartitseriaatsit piviusuusaartitallu naapertuuttut, misilitsinnerni naliliinermilu takuneqarsinnaassapput.

Ilinniartup paasisutissani ujaasisinnaanissaa, naliliisinnaanissaa ilisimasani atuisinnaanissaa pingaartinneqarpoq. Taakku tassaapput ilisimasat, inuuneq naallugu ilinniarnermut atatillugu nutaanik piginnaaneqalersinnaanissamut tunngaviulluinnartut.

11. Misilitsinnerit, soraarummeernerit naliliinerlu

Modulit immikkut tamarmik naggataarutaasumillu soraarummeerut, karakterilinnermi tulleriinnilersueriaaseq GGS – naapertorlugu immikkut naliliivigineqarluni, naliliisarnermi tulleriinnilersuineq allatullu naliliisarneq pillugit namminersorlutik Oqartussat nalunaarutaat nr. 14, 23. juni 2008-mersoq atuuttoq tunngavigalugu, misilitsinnermik naggaserneqassapput.

Nalileeriaatsit ilinniartut suliffimmi misilittagaasa, ilisimasaasa, sulinerup atuagarsornerullu qanimut sunniivigeqatigiinnerannik atassuserneqarnerannillu aallaaveqassapput.

Misileeriaatsit atuuttut modulini pinngitsoorani peqataaffigisassani nassuiarneqarput modulillu nammineq toqqarsinnaasat ataasiakkaat itisiliivigineqarlutillu paasisutississutaapputtaaq. Nalileeriaatsini oqaatsit allattariarsukkallu aamma/imat. taakku akuleriissiillugit atorineqarput. Naggataarutaasumik soraarummeerut allattariarsugaavoq annertujaq oqaatsit atorlugit illersugassaq avataaneersumillu karakteriliinnermi tulleriinnilersuineq GGS naapertorlugu naliliineq.

Misilitsinnerni periutsit/ suliaasat qanoq iluseqarnissaat, siunnersuineq, tunniussineq soraarummeesinneqaaqqittariaqarnermilu piumasaqaatit Peqqissaanermik Ilinniartimmi aalajangersarneqartarput.

Tamatuma saniatigut makku Peqqissaanermik Ilinniartimmi aalajangersarneqartarput:

- Soraarummeernermi maleruagassat, soraarummeernermi maleruagassat nalinginnaasut
- Soraarummeernermi maleruagassat immikkut ittut
Soraarummeernermi qarasaasiamik atuisinnaaneq

12. *Misilitseqqinneq*

Pinngitsoorani misilitsinnissat modulunik pinngitsoorani peqataaffigisassanik namminerlu toqqarsinnaasanik 50 ECTS-pointinik nalilinnik naggasiisut, ilinniartuq naggataarutaasumik soraarummeerummut innersuunneqartinnagu angusiffiussapput. Ilinniartuq misilitsinnermi siullermi naggataarutaasumillu soraarummeernermi angusinngitsoq misilitsinnissamut soraarummeernissamullu marloriarluni imminut innersuussinnaavoq.

13. *Maalaaruteqarsinnaaneq*

Peqqissaanermik Ilinniarfiup aalajangigaata ilinniartumit tiguneqarneraniit sap. ak sisamat qaangiutsinnagit ilinniartuq allakkatigut tunngavilersukkamik maalaaruteqarsinnaavoq. Maalaarutigineqarsinnaasut makkuupput;

- Misilitsinnermi soraarummeernermilu tunngaviusut, siunnersuineq apeqqutigineqartut suliasallu ilinniatitaanermi anguniakkamut tunngassuteqarnerat.
- Misilitsinnerup soraarummeernerullu qanoq ingerlanerat
- Naliliineq

Maalaarut, pisimasumiit ullut arfineq pingasut qaangiutsinnagit Peqqissaanermik Ilinniarfimmi pisortamut nassiunneqassaaq. Peqqissaanermik Ilinniarfimmit maalaarut suliarineqassaaq. Maalaarut akuerineqanngippat, Peqqissaanermik Ilinniarfiup siulersuisuinut ingerlateqqinneqassaaq. Siulersuisut aalajangigaat ilinniarnermut tunngasut allaffissornikkut pisortaqarfimmut allamut maalaarutigineqarsinnaanngillat.